

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersaq Naalackersuisut inoqatinut isiginneriaatsimut tamakkiisumut ilaasutut akuersissutigineqartoq, isumaqarpoq imminut pilersornerusinnaaneq anguniarlugu isumaginninnermut suliaasaqarfiup, peqqinnissaqarfiup, suliffeqarnerup aamma ilinniartitaanermut suliaasaqarfiup akornanni ataqatigiissasut. Suliffissarsiorneq pillugu aaqqissuusseqqinneq uani sunnuteqarpoq, amerlanerusut suliffissaqalernissaannut iluaqutaassalluni taamaalillunilu ataatsimoornermut iluaqutaassallutik.

Suliffissarsiortunut ikiorsiissutinik pisartagaqartup, suliffissaaleqisup, suliffittaarnikkut aningaasaqarnikkullu nammineq napatissinnaalernikkut suliffeqarnerup iserfiginissaa siunertarlugu suliffeqarnermut attaveqarnermik eqeersimaartumik akisussaaffigissavaa. Tamatumunga sakkusaaq tassaavoq nuna tamakkerlugu digitaliusumik aaqqiissut, suliffissaaleqisoq suliffissarsiortutut nalunaarnissamut pisussaatitaasoq naammassillugu suliaasumik atuutumillu CV-mik peqassalluni. Digitaliusumik aaqqiissut innuttaasunut tamanut ammassaaq suliffeqarfiillu sulisussanik piginnaasanillu aalajangersimasunik aaqqiissummi ujarlernissamut aamma suliffissaaleqisoq mailikkut attaveqarfiginissaanut imaluunniit nittartakkakut nalunaaruteqarnissamut periarfissaqassallutik. Suliffissaaleqisoq assinganik atorfinnik innuttaqanngitsunik ujarlersinnaassaaq. Aaqqiissut piffissamiit piffissamut allatut taaguuserneqarsinnaavoq, soorlu digitaliusumik ineriartortitsineq imaluunniit IT-mik pilersuisut apeqqutaatilugit.

2. Siunnersuummi immikkoortut pingaarnertit

Nuna tamakkerlugu digitaliusumik aaqqiissut pillugu malittarisassanut sukkulluunniit ator-neqarsinnaaneranut siunnersuut peqataassaaq.

Tamatuma saniatigut siunnersuummi siunertaavoq innuttaasunut tunngatillugu inatsisit tunngavigalugit piumasaqaammut Naalackersuisut paasissutissat pisariaqartut innuttaasunut pilersissagaat.

3. Pisortanut aningaasaqarnikkut allaffissornikkullu kingunerisassai

Siunnersuut pisortanut aningaasaqarnikkut kinguneqassanngilaq, suliniummik nutaamik ator-tussanngortitsineq siunnersuummi sammineqanngimmat, kisianni suliffissarsiortunut ikiorsiissutit pillugit Inatsisartut inatsisaanni nr. 7, 20. juni 2022-meersumi, pingaarnertut inatsimmi aaqqissuusaaq aningaasaliiffigineqareersoq pillugu nassuiaanerinnaammat.

Pisortanut allaffissornikkut kingunerisassaanut atatillugu inatsimmik eqquutsitsinermut atatillugu pissutsit assingi atuupput.

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut allaffissornikkullu kinguneqassanngilaq.

5. Avatangiisinut, pinngortitamut aamma inuit peqqissusaannut kingunerisassai

Siunnersuut avatangiisinut, pinngortitamut aamma inuit peqqissusaannut kinguneqassanngilaq.

6. Innuttaasunut kingunerisassai

Suliffissarsiortunut ikiorsiissutinik pisartagaqartup sakkussanut, pisartagaqartup inatsisitigut pisussaaffini naammassinissaanut atugassaminut, tamatigut apeqquserneqarsinnaanngitsumillu ilisimasaqarnissaanut siunnersuut peqataassaaq.

7. Pingaarutilinnut allanut kingunerisassai

Siunnersuut pingaarutilinnut allanut kinguneqassanngilaq.

8. Tusarniaaneq

Siunnersuut piffissami ulloq 22. marsi 2023-miit ullormut 05. apriili 2023-mut tamanut saqqummiunneqarpoq tusarniaanermut nittartakkami www.naalakkersuisut.gl.

Tusarniaanermi akissutit tusarniaanermut akissutininut allakkiami suliarineqassapput. Ilanngusaq 2 innersuussutigineqarpoq.

Siunnersuummi aalajangersakkat ataasiakkaanut oqaaseqaatit*§ 1-mut*

Nr. 1-mut

Suliffissarsiortunut ikiorsiissutit pillugit Inatsisartut inatsisaat, Inatsisartut inatsisaanni nr. 25, 25. november 2022-meersumi § 1, imm. 1 naapertorlugu, ulloq 1. juli 2023-mi atuutilissaaq.

Suliffissarsiortunut ikiorsiissutinik pisartagaqartoq www.suli.gl-imi suliffissarsiortutut nalunaarsornissamat pisussaaffeqarpoq naammassillugu suliaasumik atuuttumillu CV-mik peqarluni, tak. Inatsisartut inatsisaanni nr. 7, 20. juni 2022-meersumi § 7, imm. 1.

Tamatuma saniatigut suliffissarsiortunut ikiorsiissutinik pisartagaqartoq minnerpaamik sapaa-tip akunneranut www.suli.gl-imi suliffissarsiortutut nalunaarsortittassaaq tamanut atuuttumik nammineq digitaliusumik ilisarnaatini atorlugu imaluunniit Qitiusumik ingerlatsivimmi Majoriami nalunaarsortilluni.

Suliffissarsiortunut ikiorsiissutinik pisartagaqartoq suliffissarsiortutut sulinngiffeqartutut nalunaarsortissaaq www.suli.gl-imi imaluunniit Qitiusumik ingerlatsivimmi Majoriami nalunaarsortilluni, tak. Inatsisartut inatsisaanni nr. 7, 20. juni 2022-meersumi § 14, imm. 3.

Pisuni tamani elektroniskimik nalunaarsuineq piumasqaataatillugu, Inatsisartut inatsisaat naapertorlugu tamanna www.suli.gl-imi pissaaq.

www.suli.gl tassaavoq, Naalackersuisunit neqeroorutaasoq. nuna tamakkerlugu suliffinnut digitaliusumik nittartagaq.

Suliffinnut nittartagaq nuna tamakkerlugu innuttaasunut suliffeqarfinnullu atuutissaaq atorfiillu innuttaqanngitsut sorliit, nunami sumiannersut aamma atorfimmi suut piumasqaataannersut pitsaasumik tamaat ataatsimut isiginnilersitsissalluni. Suliffinnut nittartagaq nunami suliffeqarfinnut nunami sulisussat piginnaasallu aalajangersimasut ujarnissaannut periarfissiissaaq. Suliffeqarfiit sulisussat piginnaasallu aalajangersimasut ujarnissaannut periarfisaqassapput aamma suliffissaaleqisoq nittartagaq atorlugu mailikkut/nalunaarfialugu attavigineqarsinnaassalluni.

Taamaattumik siunertamut tamatumunnga digitaliusumik aaqqiissut manna toqqarnerani innuttaasunut suliffeqarfinnullu aamma pisortani oqartussaasunut tikikkuminartuunissaa atoruminartuunissaalu eqqumaffigineqassaaq, aaqqiissutillu attassinnaaneranut aserfallatsaalineranullu aningaasaqarnikkut isumalluutinut naleqqiunneqassallutik. Tamanna kinguneqarsinnaavoq aaqqiissut nittartakkamut ilaatinneqalertoq imaluunniit nittartakkamut tamanut atuuttumut, soorlu www.sullissivik.gl aqutigalugu neqeroorutigineqarluni, inatsisitigut tunngaveqartumik taamaalilluni inatsimmi allannguisoqartariaqarnani.

IT-mi ineriartornerup aaqqissuussap nutartertuarnissaanik ineriartortittuarnissaanillu pingaartumik piumasqaateqassaaq, ingammik aaqqissuussanut allanut ilanngunneqartillugu, assersuutigalugu NemId-mik atuineq tassanngaanniillu MitID-mut ikaarsarneq.

Tamatuma saniatigut aaqqissuussap ajortoorallaqqasinnaanera il.il. eqqumaffigisariaqarpoq, taamaalilluni ikiorsiissutinik pisartagaqartussaaneq sullinneqartussaanerlu siunertaralugu innuttaasut pisussaaffimminnik tamatigut eqquutsitsisinnaaqqullugit.

Taamaattumik piumasqaatit qulaani taaneqartut ajornannginnerusumik naammassiniarlugit piffissallu ingerlanerani inatsimmik allannguissamut isumalluutinik atuisoqaqqunagu siunnersuummi siunertaavoq piffissap ingerlanerani pisuni assigiinngitsuni aalajangersagaq ajugaqanngitsuussasoq, ineriartornerlu peqatigalugu pisoqaliartussanani.

Nr. 2-mut

Innuttaasut pisinnaatitaaffitik pisussaaffitillu pillugit ajornaatumik piffissaagallartillugulu ilisimasaqarnissaannut inatsisitigut innarlitsaalisaanerat aalajangersakkap qulakkiissavaa. Suliffissarsiortunut ikiorsiissutinik pisartagaqartup inatsisitigut tunngaveqartumik pisussaaffini malillugit naammassisaqarnissaminut ilisimasaqarnissaannut Naalakkersuisut pisussaapput paasissutissat pissarsiarissallugit.

§ 2-mut

Inatsisartut inatsisaat ulloq 1. juli 2023-mi atuutilissaaq, suliffissarsiortunut ikiorsiissutit pillugit Inatsisartut inatsisaata atuutilerana peqatigalugu, tak. Inatsisartut inatsisaat nr. 25, 25. november 2022-meersumi § 1, imm. 1. Suliffissarsiortunut ikiorsiissutit pillugit Inatsisartut inatsisaata atuutileraniilli innuttaasut pisussaaffii pisinnaatitaaffiilu ersarissuunissaat paatsoornanngitsumillu oqaasertaqarnissaat anguniagaavoq.

Ilanngussaq 1

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1 Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq, Inatsisartut inatsisaatigut nr. 25, 25. november 2022-meersukkut allanngortinneqartoq, imatut allannguuteqassaaq:
<p>§ 7. Suliffissarsiortunut ikiorsiissutinik pisartagaqartoq pisussaavoq eqeersimaartutut suliffissarsiortutut nalunaarsorsimanisamat www.suli.gl -imi, naammassillugulu suliaasumik atuuttumillu CV-mik peqassalluni.</p> <p>Imm. 2. Suliffissarsiortunut ikiorsiissutinik pisartagaqartoq minnerpaamik sapaatip akunneranut ataasiarluni nalunaarsortittassaaq suliffissarsiortutut www.suli.gl -imi tamanut atuuttumik nammineq digitaliusumik ilisarnaatini atorlugu, imaluunniit Qitiusumik ingerlatsivimmi Majoriami nalunaarsortinnermigut.</p> <p>§ 14, Imm. 3. Inuk suliffissarsiortutut sulinngiffeqartutut nalunaarsortissaaq www.suli.gl -imi imaluunniit qitiusumik ingerlatsivimmi Majoriami. Inuk pineqartoq suliffissarsiortutut sulinngiffeqartutut nalunaarsorsimannikkuni sulilernissamat piareersimasutut isigineqassannilaq.</p>	<p>1. § 7, imm. 1-imi, § 7, imm. 2-mi aamma § 14, imm. 3-mi allanngortinneqassaaq ”www.suli.gl” uunga ”Naalackersuisunit tamanut atuuttumik digitaliusumik aaqqiissummi innersuussutigineqartumi”:</p> <p>”§ 7. Suliffissarsiortunut ikiorsiissutinik pisartagaqartoq pisussaavoq eqeersimaartutut suliffissarsiortutut nalunaarsornissamat Naalackersuisunit tamanut atuuttumik digitaliusumik aaqqiissummi innersuussutigineqartumi, naammassillugulu suliaasumik atuuttumillu CV-mik peqassalluni.</p> <p><i>Imm. 2.</i> Suliffissarsiortunut ikiorsiissutinik pisartagaqartoq minnerpaamik sapaatip akunneranut ataasiarluni nalunaarsortittassaaq suliffissarsiortutut Naalackersuisunit tamanut atuuttumik digitaliusumik aaqqiissummi innersuussutigineqartumi tamanut atuuttumik nammineq digitaliusumik ilisarnaatini atorlugu, imaluunniit Qitiusumik ingerlatsivimmi Majoriami nalunaarsortilluni.”</p> <p>”§ 14, Imm. 3. Inuk suliffissarsiortutut sulinngiffeqartutut nalunaarsortissaaq Naalackersuisunit tamanut atuuttumik digitaliusumik aaqqiissummi innersuussutigineqartumi”</p>

	<p>neqartumi imaluunniit qitiusumik ingerlatsivimmi Majoriami. Inuk pineqartoq suliffisarsiorsortutut sulinngiffeqartutut nalunaarsorsimannikkuni sulilernissamut piareersimasutut isigineqassanngilaq.”</p>
	<p>2. § 7 imm. 2-p kingorna immikkoortoq nutaaq ikkunneqassaaq: <i>”Imm. 3. Tamanut atuuttumik digitaliusumik aaqqiissut qaqugukkulluunniit tamanut atorinnaasoq tassungalu isersinnaaneq kiisalu Kalaallit Nunaanni Qitiusumik ingerlatsivimmut Majoriamut attaveqarfissatut paasissutissat pillugit paasissutissanik Naalakkersuisut piffissaagallartillugu tamanut saqqummiussissapput.”</i></p>
	<p style="text-align: center;">§ 2</p> <p>Inatsisartut inatsisaat atuutilissaaq ulloq 1. juli 2023.</p>